

Bukutru, wavitye, akak pyana tinogben

Minikwak pyana tinogben tima guhetyokis kanumwa adahan atekne wagehne woki. Ku aysaw guhetyokis ahagbetaw gugakis adahan kabeyweke Ig me wavitye timapni hene igkite maviye giw guhetyokis. Ig keh inere adahan gaxwitnikis. Ig kanumgukis :

- Bay is kuwisma ahegbet ? Egkis kaytwa “hihi” , egkis tivik katapte amadga gihmun , egkis ka hiyakiwa awaku kote hawkate egkis tareke ta ihapkat , egkis wahehe waxit. Wavitye awana kutkis :
- Wahapnay ayin, nah atakte wagahte woki adahan kuwenek yisme mutuka.

Egkis misekwe ayge, pahavu awna gut :

- Uyamu atak iwasa han pitatit ba ay woki akat!

Henewa egkis utip pahakti woki puhivwyo.

Egkis kabiman git :

- *Nan!* kadahan pahakti ayin !

Ig danuh, aka ig wagah amin gakat. Egkis hiya ig waga pavuriwe, egkis avisasew, egkis awna :

- Wis kuwis aytwe ahapti wavitye !

Egkis sigise ivegene pahayku miyokwye. egkis ute bukutru gavin, egkis pareke agikut; bukutru awna gutkis :

- Pariye danuh it bakimnay ?

Egkis kanumguw :

- Avya ! Usuh uvewkan aytwe gihapti uhetyo wokiri, ka ignema, usuh aytwe gahapti wavitye!

Bukutru awna gutkis :

- Kasam! atan , ig ka danuh adahan axiy!

Barewye garivwiy ig danuh, miyaknibdi, ig a wana :

- Bap pis hiya pyana tinogben maviya awkihan ? Awaku nah ayh guhikis , egkis ayin !

Bukutru awna gutkis :

- Mah pis kadahan piwin ayin ? Su tivik aytikihan ku pis kamuwaka nugihgi kawokwine umahpi !” Bukutru avisasevgukis adahan egkis ka tivik guw. Eg awna :
- Ba yis timap wavitye tihene ?

Eg hiyakni himanovwyo ginagkis tihano guharitkis. Adahan egkis misekwe gumun, ugewgeswanokis gudahan . hene guskewvenkis gumun. Egme avanenekwa atak wasamdakat iwano kaneg aka kayg:

- Bakimnay bayayta utisaku nutaybi ariw imanikye ! Egkis misekwe kibite hawkri gumun.

Pahay hawkri egkis avuriw , adahan gaxnikis, ku aysaw eg diyuh wasamdakatak eg awna gutkis :

- Ku kit eg atak. Egkis hyeke ahin ku kiw eg maviya, inere ahin waxwig ta amadgat ginagkis guwasa. Egkis hyekemni. Egkis awana :
- Kasam, eg avisasew, bukutru awna wot wavitye tihene, bawkata unag tihano uhayt.

Uya bisike monie guw. Uya wahap ku aysaw eg danuh adahan awna wot “ bayayta utisaku nutaybi!” ayge nikwe wis digis kihaw gataybik. Ku eg miyoyote wis sigise avikuw inere ahin. Henna egkis keh. Egkis pese ta gut ginagkis, eg kawatsan.

- Nuvowkan yis kuwis miyorap!

Egkis ketnetihwa madikte ku pariye danuh ta gutkis. Hene gamaksemni.